

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 31.03.2023թ. թիվ 2316163799 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<14>> 09 2023թ. 7-13-

3492

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Նիկոլայ Պետրոսյանի ՄԴ/25562-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Նիկոլայ Պետրոսյանը (ծանուցման հասցե՝ ք.Երևան, Շենգավիթ վարչական շրջան, Վ.Շենգավիթ 2-րդ փողոց, 20/3 շենք, 26 բնակարան) դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 31.03.2023թ. թիվ 2316163799 որոշմանը՝ նշելով, որ արարքը կատարել է ճանապահատրանսպորտային պատահարի հետևանքով:

Դիմումի քննարկման արդյունքում պարզվել է, որ վերը նշված որոշումը ենթակա է բեկանման՝ հետևյալ պատճառաբանությամբ.

<<Վարչարարության հիմունքերի և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների

ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Նյութական վնասով ճանապարհատրանսպորտային պատահարի (ՃՏՊ) մասին № 139142 արձանագրության համաձայն՝ 16.03.2023թ. ժամը՝ 13:35-ին Երևան քաղաքի Գարեգին Նժդեհ փողոցի հատվածում <<BMW>> մակնիշի 14NM777 հաշվառման համարանիշի և <<MERCEDES-BENZ>> մակնիշի 35RS351 հաշվառման համարանիշի տրանսպորտային միջոցների մասնակցությամբ տեղի է ունեցել ճանապարհատրանսպորտային պատահար:

Վարչական վարույթի ընթացքում կատարված ուսումնասիրության արդյունքում հիմնավորվել է, որ վարչական տույժ նշանակելու մասին վերը նշված որոշման իրավախախտումը կատարվել է հարկադրված՝ մասնավորապես <<MERCEDES-BENZ>> մակնիշի 35RS351 հաշվառման համարանիշի տրանսպորտային միջոցը Երևան քաղաքի Գ. Նժդեհ-Մայիսի 9-ը փողոցների խաչմերուկի հատվածում 3.27՝ <<Կանգառն արգելվում է>> ճանապարհային նշանի ազդման գոտում կանգառ կատարելը կապված է եղել <<BMW>> մակնիշի 14NM777 հաշվառման համարանիշի տրանսպորտային միջոցի հետ տեղի ունեցած ճանապարհատրանսպորտային պատահարի արդյունքում:


<<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ ա) օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով. բ) կեղծ փաստաթղթերի կամ տեղեկությունների հիման վրա, կամ եթե ներկայացված փաստաթղթերից ակնհայտ է, որ ըստ էության պետք է ընդունվեր այլ որոշում. գ) շահերի բախման իրավիճակում:

Այսպիսով, հիմնավորվել է, որ ճանապարհային ոստիկանության վարչական տույժ նշանակելու մասին թիվ 2316163799 որոշումը ենթակա է բեկանման, քանի որ իրավախախտումը կատարվել է ճանապարհատրանսպորտային պատահարի հետևանքով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 31.03.2023թ. թիվ 2316163799 որոշումը բեկանել և վարչական իրավախախտման վերաբերյալ գործի վարույթը կարճել.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Նիկոլայ Պետրոսյանին:



Ն. Սարգսյան